



Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1719

Quæst. 205. Quisnam effectus precarii.

[urn:nbn:de:hbz:466:1-73957](#)

concessam. Idem videtur esse de detentatione, dum precarium concessum citra possessionem, secus tamen est, ubi concessio facta pro Titio & haeredibus ejus.

Quæst. 204. Quænam sint cause precarii?

1. **R**esp. primò: quod spectat causam efficiētem, ejus causa remota est partim ius gentium, ex quo descendit seu originatur. *l. 1. §. 7. b.t.* Muller. *l.c.* Lauterb. *§. 6.* Partim ius civile prætorium, ratione scilicet approbationis & modi habendi, exequendive precarium, ut idem. Causa efficiens proxima est ipse concedens (quales esse possunt omnes, qui commodatum concedere possunt; cum qui usum rei ad tempus certum & modum concedere possunt, multo magis usum indeterminatum permittere valent; adeoque non solum domini, sed etiam, qui rem possident, aliud jus in re habent. *l. 8. ff. b.t.* Lauterbach. *§. 8.*) ejusque voluntas seu consensus, etiam per alium ejus nomine. V.g. per procuratorem præstitus, etiam ratiabitione, ut Lauterb. *§. 6. cit. l. 8. §. 2. ff. b.t.* non solum verbis & scripto, sed & aliis signis ad hoc idoneis expressis ad preces alterius. *l. 13. & l. 8. ff. b.t.* Licet autem difficulter intelligi possit, qualiter ab initio precarium efficiatur seu constituantur. Tacite, postquam tamen semel concessum expresse, potest dein consensu tacito, qui ex concedentis patientia seu non revocatione, & continuato ab accipiente usu præsumitur prolongari & revocari, quæ prolongatio magis & prorogatio, quam novi precarii constitutio. *l. 4. §. fin. ff. b.t.* *juncta l. 5. eod.* Lauterbach. *cit. §. 6.* qui tamen id ipsum sic limitat: modò prorogans sit in eo statu, ut consentire vel pro libitu revocare possit. In quali statu, quia non est, qui post concessionem incidit in furorem, non secus ac mortuus, non poterit precarium prorogare; cum per patientiam tacite consentire non possit, nisi qui expresse consentire potest. Ad causam quoque efficiētem precarii spectat consensus recipientis, ex quibus duobus consensibus efficitur usus rei licitus, & constituitur in ratione beneficii, quod in non consentientem non cadit.

2. Resp. secundò: ad causam precarii materialē seu potius objectū spectant res omnes, de quibus. *quæst. 1. b.t.* Pro causa formalē seu forma substantialē dici potest, quod concedatur gratuitè ad preces indeterminate & revocabiliter. Causa finalis seu finis principalis precarii est usus rei licitus.

Quæst. 205. Quisnam sit effectus precarii?

1. **R**esp. respectu concedentis precariam una cum possessione naturali est ejusdem possessionis amissio, sive quod concedens designat possidere rem corporaliter, tam per se, quam per eum, cui res precario concessa, & perget eam solummodo possidere civiliter *juxta quæst. ante hanc*

3. **R**espectu recipientis effectus alius est lucrativus consistens in potestate re utendi eique insistendi, et si concessa quoque possessio illius, in ipsa vera hac possessione, ratione cuius competunt ei remedia possessoria. Alius est effectus onerosus consistens in obligatione, quæ recipiens astringitur, non quidem civiliter, sed naturaliter, ex naturali nimi-

rum æquitate & jure gentium, ad precarium restituendum concedenti pro ejusdem libitu.

Quæst. 206. An hæc obligatio paret interdictum Prætorium de precario, aut etiam actionem?

1. **R**esp. primò. Cum iure civili hæc obligatio nullam pareret actionem, quæ concedens ageret contra accipientem tergiversantem rem precario concessam restituere ad sui revocationem, iure Prætorio introductum est, seu Prætor, partim ex necessitate, dum nulla ante illud ex precario competit, partim ex æquitate, quæ æquum erat precario concedentem ex sua liberalitate non pati damnum; adeoque recipientem rem precario obtentam ad repetitionem concedentis restituere, juxta quod dicitur *l. 2. §. 2. b.t.*, naturā equum est, tamdiu de liberalitate mea uti, quamdiu ego velim, & ut possim revocare, cum mutavero voluntatem: concessit interdictum, quod sicut alia actiones nomen à contractu, ex quo oriuntur, fortuntur, ut actio commodati, locati &c. Ita à precario dictum interdictum precarii, vel etiam restitutorium, utpote quod Prætor rem precario concessam, sed revocatam, restitujiubet. Competit hoc interdictum illi, qui usum rei purum sine possessione (in quo casu est interdictum retinenda possessionis. Muller. ad Struy. *b.t. lit. c.*) vel unā cum possessione concessit, sed revocavit. Et sic in specie competit venditori, qui rem venditam emptori concessit precario, donec pretium solutum, si per nunc stetit, quod solutio facta non sit. *l. 20. ff. b.t.* Muller. *l.c. lit. v.* item creditori qui rem oppignoratam concessit debitori. *l. 22. ff. b.t.* Muller. *l.c.* & si servus concessit, dandum domino. *l. 19. ff. eod.* Muller. *l.c. lit. e.* Et quia persecutionem rei continet competit quoque succelsori concedentis tam universalis quam singulari (ita ut v. g. emptor rem precario à venditore concessam revocare statim possit ab eo, cui concessa, eique ad restituendum moroso intentare hoc interdictum Muller. *loc. cit.* & ita quidem, ut hic habeat hoc interdictum non ex precario concesso ab authore seu antecessore suo, sed ex propria persona, dum eo ipso, quod patiatur possessor seu precistam ulterius re uti, prorogando precarium, quasi novum constituere videatur *juxta l. 8. ff. b.t.* Lauterbach. *b.t. §. 16.*) contra possitorem rei precario concessæ, licet is precario possidat rem propriam, nempe datum in pignus creditor. *l. 6. §. ult. b.t.* Muller. *b.t. th. 159. lit. g.* Item etiam si possessor non rogaverit illud, modo tamen is sciat suto nomine rogatum, habaueritque id ratum. Muller. *l.c. l. 4. §. 2. ff. b.t.* vel contra eum, qui dolo habere desit. *cit. l. 8. §. 3.* Pupillum etiam, qui sine autoritate tutoris rogarvit, si is possideat. *l. fin. §. 1. ff. b.t.* Duaren. *inf. b.t. c. 4.* Muller. *l.c.* Item contra haeredem (qui tamen restituere non tenet ex persona propria, sed ex persona defuncti, cum is in precario, utpote eius possessione non concessa haredi recipientis, & quod morte concedentis extinguitur, non succedit defuncto) si haeres rem precariam habet. *l. 2. C. b.t.* vel dolo fecerit, quod minus rem precariam haberet; in quo casu haeredes tenentur in solidum, dum alias, si ex dolo defuncti factum detur contra illos tantum in id, quod ad eos pervenit. Muller. *l.c. lit. s.* Lauterb. *l.c. citata leg. 8. §. 7.* & ibi Brunnen. *num. 7.* Objectum hujus interdicti est res precaria restituenda & omne damnum resarcendum. Ita